

民國五年重修

淮陽縣志

卷首 圖經

卷一

地輿志上

星野 沿革 表附 疆域 村保集鎮附 山水 埠口附

卷二

地輿志下

古蹟 冢墓附 風土

卷三

籍賦志 戶口 丁地 征解 留支 蠲緩 雜稅 鹽引

卷四

建置志 城池 宮署 壇廟 坊表 橋梁

卷五

學校志

學宮
勸學所

學署
學校
學額

學田

書院

義塾

卷六

經政志

秩祀

禮儀

兵防

郵政

倉儲

郵政

卷七

職官表

名宦傳

卷八

選舉表

辟舉
文武例仕

文武科目
封贈

貢生
世襲

學校畢業
恩廕

卷九

人物傳上

先賢

鄉賢

先正

文仕蹟

武仕蹟

卷十

人物傳上

孝友 忠烈

卷十一

人物傳上

義行

卷十二

人物傳上

文學 隱逸

卷十三

人物傳上

方技 耆壽

流寓

目錄

卷十四

人物傳下

列女 后妃

節婦

卷十五

人物傳下

列女 節婦

卷十六

人物傳下

列女 烈婦

孝婦

淑媛

貞女

烈女

孝女

卷十七

藝文志上

著述 金石

卷十八

藝文志下

輯類文

詔勅
祭文

表疏
誌銘

碑記

論辨序引

卷十九

藝文志下

輯類詩

賦頌
古樂府

古詩
歌詞

五七古

五七律

五七絕

卷二十

雜志上

災異

兵事

雜志下

方外

寺觀

志餘

志卷之十三

人物上

任

方拔

漢

郤廵字仲信陳郡人和帝時南陽樊英習京氏易兼明五經善風角算河洛七緯推步災異隱於壺山之陽受業者踵至廵傳其業仕爲郡博士會魏明亡命從受春秋圖緯官至侍中

南北朝

袁倩陳人師于陸倩畫人面如真宋鄱陽王妃劉與王伉儷甚篤王爲齊明帝所誅妃追傷過切成癰病醫不能療倩乃畫王形像並圖王生平所寵姬共照鏡狀如偶寢密令娼姬示妃妃見乃唾之因罵曰斫老奴晚於是悲情頓歇病亦痊子質亦善畫

筆勢勁健繼父之美

五代

王仁壽宛邱人業儒性通敏頗涉文史亦潛心繪事初學吳生長于佛像神鬼及馬等嘗于京師淨土院大殿前畫八菩薩今見存焉

宋

王士元仁壽子好讀書有局量鄉里器之與國子博士郭忠恕爲畫友嘗爲孫四皓客甚見推重善畫木石雲水頗師關同更加景趣尤善天廡馬雖驚駘疲劣亦能爲之骨氣高率皮毛上下隨筆所定較無差處至銜勒之飾飼秣之所皆可觀焉尤工屋宇臺殿嘗畫古時宮殿及綠珠墜樓圖二軸通博該備時人稱絕又能赤白及作松紋錦柱愈見壯麗先是唐有名畫斷第其

一百三人姓名太宗多能留神庶藝訪其後來復得一百三人編次有倫亦曰名畫斷孫氏謂士元曰上爲畫斷以續唐本子其謂何士元乃沈思默慮採唐諸家之長爲武王誓師獨夫崇飲圖兒者歎曰王君之意與六經合觀其事迹不覺千古之遠非精慮入神何以致此孫不敢私以進于上下圖畫院品第之時高文進與士元有隙定爲下品止以三十縑爲賜識者憤之張文懿士遜惜其精筆奏攝南陽從事後仕至推官

閻士安宛邱人疎蕩嗜酒尤好作俳優詬豪貴多暱之習醫術善墨竹及草樹荆棘上石臺蟹燕子等畫皆不用彩繪爲時輩所推王冀公德用好蓄花竹畫士安盡其思慮獻墨竹圖甚見稱賞因奏爲試四門助教士安之竹千怪萬狀有帶風煙雨雪之勢者尤盡其景

楊山人者逸其名蔡新州確黃大夫好謙爲陳諸生聞其善相過使相之曰蔡君宰相也似丁晉公然丁還而君死黃君一故郡耳然家口四十則蔡貶矣元豐末蔡爲相黃由尙書郎出爲蔡州過蔡而別問其家曰四十口矣蔡大駭曰楊生之言驗矣其後有新州之竄

懷居士名敏字仲訥宛邱人少好醫自神農草木書黃帝內外經扁鵲倉公傳無所不覽遂爲醫博士診症輒有效居數年厭之以方授子孫並致家政策室獨居聚浮屠書讀之王公大人多與之遊居士雍容上下不可親疎既七十與累世不葬還別籍之喪二十餘躬理其事曰是責在我不當以累子孫子和孫邁皆守其方蓋三世云

劉冕字秉葵本淮陰人洪武初從陳遼泰同契問疾施劑立效任
州典科子謙孫玠咸嗣職

輩庸字友常陳州衛旗士好古玩早從張世祿學丹青寫人物山水
綵墨隨筆有致永樂間應召至京師與一時名畫角藝知名
於時臺閣公卿多禮焉

趙時獻陳諸生善書畫字中聲音點畫無不精考畫人物宗張路
山水宗戴文進翎毛花卉宗呂紀其最佳者鷄也遠邇人購一
幅以爲家珍焉自號練亭居士年八十四卒

張儒陳州衛人善繪事工于寫真儒口吃吃而恢諧有致搢紳先
生樂與之遊後不知所之

清

孫垣字魏賢世醫幼讀父書深得外臺秘要每診能洞病源纘陳

經脉快人心脾令病者勿藥有喜嘗言無不治之症要在治之
得其道耳問道安在口症有萬變莫拘成方認症確用方法醫
家諸書食之而化則得矣

蔡璐字佩玉精痘症晚歲目盲以手按之即知輕重子思明猶世
其業

孟行健字克猷精岐黃因母傷足遂殫心接骨術治痘症尤神貧
者給以藥餌卒年七十有八

楊士賢字聖傳太學生精岐黃延之立往採古今集驗方合藥濟
人屢著奇效有納金者悉還之乾隆五十一年歲大饑出貲以
拯窮困時人比之橘井

楊百祿字在中精醫術撰方用意大似古人家設藥局鄉里相延
暮夜不辭及疾囑其子曰藥以拯人非以市利悉取賤焚之孫

掄元增生

智思臻字希天爲人慷慨精卜能奇中乾隆己卯命其子備身後事謂族黨曰某月某日吾將去至期正衣冠而逝

孫湖汚字石言自號三元老人賣卜西月城多奇中尤善梅花數有問數者得旅上九鳥焚其巢色沮老人曰問名則吉鳥焚巢飛騰之象也其人一戰果捷

孫有仁少得父授後術益精知縣耀有政聲病既彌留有仁藥之即愈酬以金有仁曰來醫意爲民也何敢受賜力卻之知縣給額曰杏林春煦求醫者日數十家一介不取晚年生子如蘭年八十五卒

雷繼祖字聿齋由廩貢捐州同己旌孝子顯宗長孫賢良方正方運長子性孝友工詩文好施與尤精岐黃嘗著醫論行於世

曾東木字輝先廩生衛守備文禮季子負性孝友讀書以立身持
己爲先晚年精岐黃有就醫者診脉畢令病者自言少未合即
復診視必悉合始立方以故多奇效遇貧之并藥給之

彭天綸字道合幼讀父書工堪輿有延之者雖風雨必往後精數
學嘗爲邑侯耀占疾奇中給額曰可以前知 以上舊志

嚴學書字志賢晚年工書宗離齋法因號繼離精醫尤長痘疹貧
者給藥或并贈衣食拯濟甚多兄澍金早亡遺孀嫂馮使諸子
母奉之子四長汝清出嗣次汝敬從九品汝誠汝梓皆見選舉
鄭安吉字厚祥醫學精研直造堂與視痘疹尤多奇妙渾厚謙和
藹然可親嘗被人誣控比詣案令見其狀曰是豈與人無理者
乎不問而判告者慚服壽九十餘無疾而終

宋會謙字益齋少勤學能文章博覽醫書遂精其道危病立起翁

然自爲一路福星當時名宿胡鳳岡輩多贈詩稱之有福星到處皆欽仰遮道相將萬壽康之句長子清蘭嗣家學亦精妙同里增生關旭齋職以疾及診愕然曰病危急治猶可關笑而去未幾果病延診之驚曰病篤矣治無益也關果歿次子馥蘭受家傳有時名孫中山邑增生

羅玉亮字明道精婦科專門名宿投方輒效無遠近胥稱羅神仙壽六十有六卒後一方思之

李英士字應聘沉靜謹厚診脉斷吉凶如響能於數月前預決生死視症無貧富一律殫心晚年弱甚有就醫者必勉強撐支應之邑侯羅額以扁鵲仙術兄英相字殿選善占卜疏財息訟鄉人稱之

夏茂林字森然醫學諳練診脉斷症如身親門前車馬恒應接不

暇忠厚樸誠有延者雖疲甚猶竭力應之年八十九卒

王來同字會如幼多病因業醫臥床覽書脉理精通集有醫門簡要門人抄誦四方拯濟無算年八十猶晝夜不倦子國輔庠生喻性真字本善精眼科能退經年雲翳光明如初著有眼科家傳貧鄰赫連虎誠孝無立錫地與宅一區田三畝以成其志又設義塾至今猶頌之

任興泰字景陽精脉理臨症持脉逆所苦無不中一時有神仙之目輒奏盈門延者常恐後云

楊金鐸字振魯太學生名醫士賢子繼父業家頗裕自備車乘不以迎送累鄉閭貧者給藥資人多德之

張耀來字光臨累世名醫皆享髦鬢曾祖明壽八十二祖育萬繼之郡都戎蔣患肺癰諸醫罔效已成痼疾育萬投劑立愈願以

醫德遐齡壽九十六父銳不墜世業年八十六卒耀來仍以醫名於時疫尤得把握療活無算一生質樸無文遇求無遷延年八十有四鄉里徧德時論重之

夏端木字效賜監生施藥濟人延醫者晝夜風雨無不應道光初年咸豐二年疫大行每外出輒不暇旋里全活數百人壽八十一孫連芳亦業醫

孫鶴鳴字廷選善醫術張春芳母癱臥十二年服藥數月漸能行林宏儒女王茂林兄症皆險應手取效其他所濟甚多晚年與其徒庠生孫憲曾集纂脉經精意稿甫脫而卒

王元太字善長得母李氏口授以醫名外祖李君善醫兼內外兩科李氏幼領父訓通其術故元太精醫獨早外科尤長口碑爭頌年九十二卒次子廣燮字惠浦能繼父業施治多效不受謝